



Broj: 02-34-1364/26
Lukavac, 07.05.2026. godine

Na osnovu Zakona o mladima Federacije BiH („Službene novine Federacije BiH“, broj: 36/10), Statuta Grada Lukavac („Službeni glasnik Grada Lukavac“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25), člana 22. Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava transfera Službe za društvene djelatnosti i upravu Grada Lukavac za 2026. godinu Broj: 02-02-59/26 od 08.01.2026. godine, Smjernica o minimalnim standardima dodjele budžetskih sredstava putem transfera i subvencija u Federaciji BiH („Sl. novine FBiH“ broj 37/24) i člana 5. Pravilnika o dodjeli sredstava iz granta za mobilnost mladih Grada („Službeni glasnik Grada Lukavac“ broj 6/23), Gradonačelnik Grada Lukavac objavljuje

JAVNI POZIV o dodjeli sredstava iz granta za mobilnost mladih Grada Lukavac

I

- (1) Objavljuje se Javni poziv o dodjeli sredstava iz granta za mobilnost mladih Grada Lukavac za budžetsku 2026. godinu u iznosu od 8.000,00 KM (osamhiljada KM i 00/100 pfeninga).
- (2) Mobilnost u svrhu učenja može se definisati kao transnacionalna mobilnost u svrhu sticanja novih znanja, vještina i kompetencija, kao što su obrazovne razmjene, projekti volontiranja, međunarodni kursevi stranih jezika i projekti neformalnog obrazovanja.

II

- (1) Pravo na dodjelu sredstava mogu ostvariti pojedinci, učenici i studenti, aktivisti, volonteri nevladinih i humanitarnih organizacija uz ispunjavanje sljedećih uslova:
 - da imaju prebivalište na području grada Lukavac;
 - da su starosne dobi između 15 i 35 godina.
- (2) Sredstva iz granta za mobilnost dodjeljivat će se za finansiranje aktivnosti kao što su putni troškovi, troškovi kotizacije, troškovi vize za odlazak pojedinaca na razne edukacije, seminare i treninge, konferencije, konvencije, takmičenja, na stručna usavršavanja u inostranstvu i slične skupove iz oblasti obrazovanja, korisnicima koji ispunjavaju uvjete iz tačke dva i tri Javnog poziva.



III

OPĆI UVJETI

- (1) Uz zahtjev potrebno je priložiti sljedeće dokumente (original ili ovjerene kopije):
- a) CIPS prijava o mjestu prebivališta za osobe koje će učestvovati u određenoj aktivnosti (ne starija od 6 mjeseci);
 - b) Dokaz ili potvrdu u učešću na edukaciji, seminaru, treningu, konferenciji, takmičenju i sl.;
 - c) Motivaciono pismo za učešće u aktivnosti;
 - d) Dokaz o ostvarenim rezultatima na kantonalnom, federalnom, državnom i međunarodnom školskom takmičenju (ako se sredstva dodjeljuju za odlazak na takmičenja).
 - e) Dokaz da organizator aktivnosti ili organizator odlaska na aktivnost, ne pokriva putne troškove, troškove kotizacije, troškove vize i druge troškove.
 - f) Ovjerena Izjava o korištenju ličnih podataka

IV

- (1) Iznos nepovratnih sredstava u jednoj godini za jednu osobu iznosi:
- a) do 300,00 KM za putne troškove, troškove kotizacije unutar Bosne i Hercegovine;
 - b) do 500,00 KM za putne troškove, troškove kotizacije, troškove vize u zemlje regiona (Hrvatska, Srbija, Slovenija, Makedonija, Albanija, Crna Gora, Kosovo);
 - c) do 700,00 KM za putne troškove, troškove kotizacije, troškove vize u druge zemlje inostranstva.
- (2) Za jedan događaj se može odobriti do 1000,00 KM, bez obzira na broj prijavljenih osoba za pokrivanje troškova puta, troškova kotizacije, troškova vize za navedenu aktivnost.

V

- (1) Sredstva iz granta za mobilnost mladih neće se izdvajati za troškove učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuju domaće i inostrane političke stranke, niti za redovne aktivnosti organizacije/udruženja koja je za istu namjenu ostvarila pravo po drugom osnovu, ukoliko je podnosilac zahtjeva član istog.
- (2) Podnosilac zahtjeva može aplicirati samo jednom u toku kalendarske godine, osim u izuzetnim slučajevima kada je drugi zahtjev opravdan, a sredstva nisu utrošena.

VI

- (1) Korisnici sredstava obavezni su dostaviti Službi finansijski i narativni izvještaj sa dokumentacijom o namjenskom utrošku sredstava u roku od mjesec dana nakon realizovane aktivnosti, a najkasnije do kraja tekuće godine.

(2) Korisnici sredstava koji ne opravdaju dodijeljena sredstva više ne mogu koristiti sredstva za mobilnost mladih, kao ni druga sredstva predviđena budžetom za mlade.

VII

(1) Sredstva iz člana 1. ove Odluke dodjeljivat će se na osnovu podnesenih zahtjeva, a u skladu sa objavljenim javnim pozivom.

(2) Javni poziv se objavljuje na web stranici Grada Lukavac i ostaje otvoren do kraja tekuće godine odnosno do utroška sredstava planiranih za ovu namjenu.

(3) Zahtjevi za finansiranje se dostavljaju Službi za društvene djelatnosti i upravu (u daljem tekstu: Služba) putem pisarnice Gradske uprave.

(4) Zahtjev se podnosi najmanje petnaest dana prije odlaska na aktivnost koja se finansira.

(5) Pitanja u vezi sa javnim pozivom se mogu postaviti putem e-mail adrese zeljko.zombra@lukavac.ba sa naznakom - za objavljeni Javni poziv Mobilnost mladih, na broj telefona 035/366-737 ili lično u kancelariji br. 23.

VIII

(1) Prijave na Javni poziv sa potrebnom dokumentacijom slati na adresu :

Grad Lukavac-Gradonačelnik
„Prijava na Javni poziv o dodjeli sredstava iz granta za mobilnost mladih Grada Lukavac“
Trg slobode br.1., 75 300 Lukavac

ili lično u šalter Sali Grada Lukavac svakim radnim danom od 07:00-15:30 sati.

POMOĆNIK GRADONAČELNIKA
Mirela Bubić, dipl.pravnik

GRADONAČELNIK
dr. sc. Edin Delić

Dostaviti:

1. Služba za društvene djelatnosti i upravu 2x,
2. Evidencija,
3. Oglasna ploča 2x,
4. a/a